



SAKSPAPIR

Saksnr	Utval	Type	Dato
66/2021	Kommunestyret	PS	15.06.2021

Sakshandsamar	Arkiv	ArkivsakID
Lin Tove Thomassen	FE-033	21/443

INTERPELLASJON TIL KOMMUNESTYRET - ERSTATNING FOR ELDRESTOVA

Kommunestyret - Sak 66/2021

KOM - Behandling:

Interpellanten fekk ordet først for å fremja interpellasjonen.

Ordførar gav slikt svar:

Spørsmål om erstatningslokale for Eldrestova på Vaksdal har blitt løfta i ulike samanhengar. Eg syns det er positivt at eldre på Vaksdal seier tydeleg at dei ynskjer å dele lokale med ungdomsklubben. Eg ser at ein kan få gode synergjar ut av å halda til i same bygg, sjølv om ein kanskje vil vera der til litt ulike tider.

Eg vil arbeida for ei løysing der Eldrestova overtar SFO-lokala på Jamne frå hausten 2022, dersom kommunestyret framleis ynskjer dette etter å ha fått saka utgreidd frå administrasjonen. Ordførar stemmer for forslaget til vedtak frå interpellanten.

Interpellanten fekk ordet først, før det vart opna for generell debatt.

Røysting:

Framlegg til vedtak vart samrøystes vedteke.

KOM - Tilråding/Vedtak:

Kommunestyret ber administrasjonen greie ut forslaget om å etablere Eldrestova i del av barnehagebygget på Jamne. Kommunestyret ber om at saka vert lagt fram i forkant av budsjett 2022, slik at ein kan ta stilling til om ein vil etablere Eldrestova her frå hausten 2022.

Saksopplysningar:

Frå Heidi Rongved, Ap, ligg det føre slik interpellasjon:

Erstatning for Eldrestova på Vaksdal.

Då kommunen bygde eldrebustader på Jamne gjekk Vaksdal Helselag inn med dei midlane dei hadde, mellom anna pengane dei fekk etter å ha seld huset dei eigde, og fekk bygd ei fellesstove i samband med bustadane. I denne stova var det tenkt at ein skulle kunna ha arrangement, særleg med tanke på eldre, at bygdefolket kunne leiga for å feira ein dag, og at dei som budde i eldrebustadane kunne bruka stova til å ha eit besøk, dersom deira eigen stove blei for liten. Det siste har vel rommet vore lite brukt til, i alle fall i dei seinare åra.

No skal Eldrebustadane og Eldrestova rivast og det skal byggjast eit omsorgssenter. Det nye bygget ser flott ut, men ein mister nokon av funksjonane Eldrestova har. Ein kan ikkje ha arrangement på dagtid, og ein kan ikkje ha arrangement der bebuarane i omsorgsboligane ikkje er i målgruppa.

Ikkje langt frå der Eldrestova er ligg den gamle barnehagen på Vaksdal. Ein del av den er i dag brukt til SFO, men når den nye skulen på Vaksdal er ferdig flyttar SFO dit.

Spørsmålet mitt blir: Vil Ordføraren jobba for at den delen som i dag blir brukt av SFO blir ny Eldrestove når skulen står ferdig?

Framlegg til vedtak:

Kommunestyret ber administrasjonen greie ut forslaget om å etablere Eldrestova i del av barnehagebygget på Jamne. Kommunestyret ber om at saka vert lagt fram i forkant av budsjett 2022, slik at ein kan ta stilling til om ein vil etablere Eldrestova her frå hausten 2022.